

楊文恪公文集

楊文恪公文集卷九

七言律詩

周伯明大理母孺人壽詩

匣鏡凝塵久已昏，比堂風露盛慈萱。
身親麻象老猶少，眼看箕裘子又孫。
銀漢發星高照牖，金鑿封誥正臨門。
新晴天氣潘輿穩，幾度長筵進壽樽。

狷齋爲魏喬儀郎中賦

爲士操持狷獨堅，權衡容有一分偏。
晦翁晚歲非辭者，足父當年亦取焉。
可是躬行寧用過，須教格致務求全。
清和百尺竿頭路，誰傍高齋讀七篇。

朱子於南軒謂兄高明而宏博我狷狹而迂滯

飲蔣中丞三交軒不勝杯酌與鄧司徒崔司
空俱以亡酒散去次日司徒有詩識一時高

會奉和一律

林軒不斷四時青夾路紅葵錦作棚城郭最難逢
苑囿壺觴今偶厠簪纓愆糾謬酒行令急管繁
絃爲哢鶯醉裏歸來天已暝主人愛客有餘情

贈林以永言事貶官

丈夫磊落要爲奇九牧蒲中有口碑鶴骨共憐親
詔獄鍊肝真不負明時有年倫品君臣重四

海簷名草木知尸素老夫端抱愧西牕聊寫送行
詩

再次飲三友軒韻復前人

障日涼亭畫碧青坐來曾記架松棚百年雅會誰
招簡卅載塵途浪縵纓澄澈道心惟活水洗清俗
耳是啼鶯因思公暇從容地剩有乾坤物外情

春郊行樂為冲虛龔公賦

深紅淺綠滿乾坤肯為春遊亦憚煩寧使傳呼殺
風景莫教芳草怨王孫梁朝釋子仍留塔晉代僊
翁尚有村選勝尋幽歸路晚城門燈火候黃昏

久雨和韻

連旬譙鼓濕無聞，置我江天白鷺群。
傾倒豈堪惟在念，相逢除水復何云。
豪來謾有虹蜺氣，災大誰排閭闔雲。
莫信唐人論甲子，卜晴還擬問靈氛。

祈晴有感和韻

天高誰謂聽難聞，也鑒丹誠蟻虱群。
吳下秋成雖未見，江東米價祇常云。
豈無暑雨非霖雨，縱有陰雲半火雲。
尚欲飛章勞巽二，兩儀為我散餘氛。

送毛真甫太僕之滁陽任

聯騎傳呼一字來，六科猶憶舊追陪。
又歸仕路真

無夢再起

朝廷正急才

房

暫專知不薄

連蹶論還該滌陽山水經由處逸興緣公未易裁

送少司馬王公致仕歸太倉

亭省年時已迭居歸來何止佩金魚乞骸章奏元
無數貯腹精神尚有餘優待共夸新 詔旨老成
還是獲名譽丹青若畫還鄉景堂滿槐陰架滿書
部中齋宿喜桂花盛開

丁祭齋居畫省中秋清愛殺木犀風漏聲靜聽來
天闕總戶渾疑近月宮古樹多年迹利斧新衣今
夜謝熏籠明農若有閑田地金粟還多種幾叢

予素聞江陰徐氏爲巨室今太學生名中孚
字克貞者一日過予聽其論事之條暢旣而
觀其作字之風神又旣而聞其爲學之本領
蓋節推君之孫固有家教哉於其省親詩以
送之且致期望之意云

橋門講學羨沉潛
譚論從容更執謙
得假且啻供菽水
暫歸非不耐
壑塩干今養士
先庠序自古求
賢重孝廉
勿謂叅元妨
進取端期文
戰捷風簷

蕭都憲贈行卷用前韻

馬前黃絹囊
天語腰下青
蘋拂彩霓
已有先聲

傳嶺外素知君令震開西光明犀渚妖難遁政
秋棋著不迷勲業未論充國輩待公麟閣與雲齊
和吳宗伯並蒂瓜韻

秋瓜共蒂生每數此等難云不是祥自與薔薇相
並架肯隨禾黍後登場青絲綰結搖風軟綠葉紛
披帶露灑老我得歸林下日會應多種遶書堂
牡藥闌邊也藝瓜平章宅類野人家嚼齏借問能
同蒂密密須知巧著花蔬食菜羹茶鼎鼎飛風條露
蔓走龍蛇靈芝連理俱無種和氣熏蒸為發芽

送湯霖舉人還慈谿

鹿鳴曾燕桂花秋可是南雍不一游吳楚人材今日集宋元書版國初收見聞自向青衿廣賢聖須從黃卷求此後老夫端拭目六鰲海上看持鈎

李兵侍惟正挽詞

棠棣敷榮是幾枝所嗟俱未到期願秩遷司馬君
堅避政在京圻我獨知世上久無疏廣畫人間
豈少峴山碑丈夫也合求身後還說栖筠更有兒

泰安胡學教七十壽詩 子績宗郎中

善人師道本相閑一鐸西川幾住還看子復趨雙
鳳闕辭官歸卧九龍山由來仁者能延壽不信丹

家解駐顏我詠維祺非杜撰仲尼三百未魯刪

慶少司馬李惟正內子蕭淑人六十

歸然柔德族咸推事體官中罔不知綜理似夫猶
任日朴勤如婦未封時且看甲子週還始那管羲
娥驟復馳更有佳兒能世業北堂羸得慰深思

予筮仕南科御史大夫洪公為侍御史公忠

純直亮每當論列商確心敬服之比握臺章
端嚴鎮重尤得大臣體於其榮滿北上作詩

送之

言官會集幾停驂院長重來又接談昨日風聲誰

與竝當時國論我魯參衙門泛數諸卿九雄要原
稱獨坐三去去廟堂專有待豈徒 誥軸滿琅函

送丁明德少參之廣西

出來廣右宜人地向贈翁梁語不同彼處空風原
自美諸藩名第本非雄旬宣要在敷仁政汎掃休
尊尚武功老練如君施設別異時物論豈無公

送黃仲實郎中得假祭掃歸瓊州

瓊管微茫海上洲計程歸到是深秋舊持教魚禁編
摩手筆新泛鯨波祭掃舟漢宰不須追賈馬程門先
合勸揚游重來歲異如彈指刊落奇功望早收

喜雨偶成簡東川太宰

三伏炎蒸雨勢微，孰云傾瀉復霏霏。
未論秋意先通信，且與煩歎暫解圍。
朝晰噪時知鳥喜，寂寥止處見龍歸。
今霄謝得天公力，高枕安眠不啓扉。

和韻二首前登報恩寺塔後登靈應觀草亭

下界分明墮渺茫，半空涼氣襲衣裳。
禪林創始從三國，寶塔成功冠一方。
恣影眩眸疑日近，鈴聲沸耳覺風狂。
平生上壁難成學，到此翻慙選佛場。
遠上玄都石徑微，小亭誰構此翬飛。
望窮野外山無盡，坐到林梢月送輝。
當代宏模居可見，前朝遺

迹總成非東臯嘯傲真吾分老大緣何未拂衣

九日同諸公游清涼寺追和劉後村韻一首
步入藤蘿到上方偶因淳古憶常郎衣曾韓子留
禪伯座不伊川背梵王擇勝何時仍再集登高此
日是重陽我來懶話南唐事離立西風怯早涼

贈蕭凌漢巡撫兩廣

姓名以日重金閨不負平生氣吐霓品秩峻登
臺左右恩威行徧嶺東西公廳綠滿榕陰合驛路
紅深荔子迷循拊韓公推第一願言聲望與之齊

九江崇烈李公祠和劉咸栗韻

日存亡視山城孤誰肯為增兵須知豹畧燕
雙士曾占龍頭第一名畫策每遭人見沮誓天不
與賊俱生從來未穢江州掉史上悠悠空復情

安慶忠宣余公祠和前人韻

聰講轅門是遠謨古墳今日未榛蕪文章素暴程
明道公嘗謂二程夫子之言不期精而自精軍令

何慙周亞夫千載譚公猶激烈一門死節到妻孥
近來飲血登陴者餘韻流風尚不孤近日都指揮
揚銳堅守孤城蓋聞公之風而興起者

隲括聯句復汪抑之

前年相見我朝 天主試君來會偶然時聽高談
傾廣座更看小錄出新篇燕山曾忝儀同薦周士
猶聞駟並賢 追憶令兄正郎及喜令弟翰編校職
豈獨翰林專應奉輔成君德在 經筵

閱岳陽樓詩集見陳自堂之作因用原韻追
和一章自堂名木字壽甫號自堂宋淳熙十
年方逢辰榜進士任提刑所著有自堂集吾

豐干溪人

宦途匏繫浪東西無分登臨一解頤樓送南船并
北舫湖吞萬派與千支更無敵手希文記尚可差

子美詩欲問鄉賢元氣說後生悵望不同時

附錄自堂詩

扁舟小繫畫樓西萬里清光一挂願湖面欲
包天外去嶠髮疑割海中支高空自瀉軒皇
樂元氣長涵老杜詩慶曆殘碑重回首此生
何限退憂時

慶澤地恩卷爲孫德夫賦

錦織龍文金薤書一朝飛下到先廬欲知國典
推恩重盡是家庭積慶餘教比蘇湖功不減慈
徵陶孟事多如從今寵渥源源至東海扶桑日上

初

藍錦衣華父母雙挽詩

鄉間月旦易評論
梁孟從來是德門
主母嚴無家
量入阿翁名有放
生存恩榮共羨沾
封贈陰騭
還看到子孫
馬鬣幾人在何處
白楊蕭瑟澗秋原

贈王惟綱少司馬

凜然冰蘖藹然春
物論皆云合秉鈞
此日兵謀看
扈蹕異時風力見
埋輪公嘗按節蘇常有
家鄰

殊泗漸濡遠分托
斯文氣義真料得
凱歌歸去後

青天高閣畫麒麟

歲後經秋又及春南來聲價重千鈞中原已見民
安枕邊塞寧容虜返輪弘達共稱由德量剛方獨
謂本天真廿年向慕如饑渴喜看 中朝有鳳麟

代書答蕭都堂凌漢用原贈別韻

黃麻昨聽出 金閨兩廣群心切望霓鄉衮要期
余敏庸武功未羨庾安西遮中收札真堪慰夢裡
懷人了不迷治績會看單嶺外民風論魯與論齊
郵舍牡丹盛開病中強成三律不欲孤負此
花耳兼簡南峯儀制

臺榭何曾盡有之花中除此更無奇乃知植物爭

妍日却在春光欲暮時翠殺剪裁分嫩葉紅雲飛
墜著柔枝規從世變趨文處每愛劉因解賦詩修

牡丹詩云世變日以文苑卉亦應尔

白下豪門謝絕之移栽盆盎自誇奇非朱非粉神
施色無雨無風天與時縱賞何須專藉酒識真初
不待窺枝一春抱病都荒廢未忍攔邊也欠詩
階前有此復何之大者如盤獨出奇南省官僚方
暇日長安車馬正忙時園林貴重非佗品天地精
華見此枝莫笑當年羅隱句形容國色本難詩

贈錦衣理刑二張君還朝二首

投刺雖曾未接頰，忽聞車馬復言還。趨朝舊立螭頭近，色蹕今隨豹尾間。雅量共推存長厚，高風豈是易追攀。題詩遠作金臺別，又隔僊凡第幾關。

素持公道愜輿情，訊讞平蕃羨老成。常日在朝爲近侍，暫時隨駕事南征。人譚詔獄權應重，我謂金吾古亦榮。從此勲庸看遠大，會教青史定垂名。

病中口占二首

伏枕經秋又過冬，重圍幕避寒風。祇宜胡蝶遊

濠上莫笑醯醢處瓮中髮類毡鋪眠廢柳伴如柴
瘦起頭筇病來方得移心法敬學乖崖或未窮

自檢方書故不傳盡憑醫者盡由天曉卿正是希
夷境面壁何殊達磨年混沌曾聞皇世界經緯苦
結病因緣要知否秦輸驪理已問西歸折路船

病中有懷見舊集卷之九
以索之

衰病年來久讀書每收佳作比璠璣吟哦杜甫憂
時態竹石東坡老氣餘九鯉不占僊子壽雲蒸要
近野人居廉頑立懦清風在海內知聞豈獨予

聞劉咸粟都憲有撫治鄧陽之命贈此

傾蓋張灣二十春舊京感得復相親江防已見恬
無盜重鎮須知更受人天寵幾番專領勅霜威

到處獨埋輪此行憲府多清暇遠寄新詩莫厭頻

東源池館爲勳衛徐君賦魏國公子

何處園亭分外清東源別墅少爭衡奇花剩錄澆
培法惟石多鏤甲乙名孺斷紅塵無俗客敲殘白
日有棋聲曲闌橫檻俱精絕除是丹青畫得成

和復揭廿二君

頭臚已是不禁秋在路添愁久帶留伊洛武夷曾

有志後林泉谷尚難傳傳心亦不然天竺博學何
須讀九丘從此歸尋漁父泮花淺水弄扁舟
林李義山泉谷餘鹿渚二詩即

游香社寺二首

水西尋寺此其優繞以三洲據上流僧有叢林真
佛界客無俗幹卽天遊登舟風便路疑近入座鳥
鳴山自幽人事不堪田海異法堂忍看大書留寺
有先大夫大書獨堂額

勝境他方未見優僧房簇二近江流蚤年空有藏
修約晚歲方耐汗漫遊城裡與山偏隔越世間除

寺少清幽重來未卜知何日愧乏東坡玉帶留
聞舒國裳貶官賦此寄之

踪跡分明類一峰
翩上鰲禁又聞中
萬言羨首
臨軒對尺疏推先折檻忠有待講進添祖禹且從
雲谷奠未翁由來友道多相勉士所當爲尚未窮
挽葉封官廷玉

少微星掩五雲高不見
鄉關從此豪
蓬暮未降英
奴志隱淪兼有顯
融遭膺封自得義
方方失怙心
知幹蠱勞身後
寵光應疊墓
碑先已照蓬蒿

東湖書院爲同年吳工特獻賦

一院臨湖一逕深讀書聲裏惜分陰
瀟溪營道難全忘朱子新安豈遠尋
要識吾人非泥跡須知此學在傳心
我湖莫笑惟儲月也有茅齋結樹林

祈雨登雨花臺胡紫山韻復王梧山

世間萬事轉頭空此寺千年據此中
遠有齊梁譚紙上杳無王謝在江東
臺花自昔多成幻亭雨如今合紀功
獨宿塵龕朱主簿肯來高閣坐宮崇
朱子沒同安主簿往來延平之門輒舍于西林寺有
獨宿塵龕之句

暑中與諸君同游清涼寺再用劉後村韻

詩篇擬再詠西方才思還慙何部郎
未得冠巾加

老衲謾誇金碧奉空王須知修葺皆曾點可是將

山盡孟陽坐焚香聲渾不斷炎天愈覺此間涼南

唐李後主每北乘涼故後村有惟應駐馬坡頭月
曾見金輿夜納涼之句

宿句容察院睹王御史溱遊茅山之作偶成

一律

句曲連朝憇柏臺三茅傳說勝蓬萊惟應使者乘

駟去可有僊人跨鶴回唐宋以來碑磊砢蒼陶之

下塚累七何時喚取王公濟携手武夷真快哉

贈趙清溪刑書用費健齋閣老韻

執法中朝久著聞當年一榜共青雲南宮也許

還來我北闕那期又到君班次偶倍臨晚境合并
更說摠斯文獨推霹靂散天手猶有韓琦耐暑勤
韓魏公為開封推官理前不倦暑月汗流浹背王
傳文見之曰此人要路在前而勤於職事如此真
宰相器

贈蔣梅軒戶書致仕敬所閣老之兄

一封懇乞解金章疊恩光異泛常棋論羸時
須結局船當安處是回櫂宦塗歲月十園柳簡冊
勲庸兩鬢霜罷則無歸韓子嘆湘源誰似有槐
堂

星在微垣接上台拂衣爭看此奇哉峰過回鴈家

方到溪見馴鷗物不猜
天北和蕤歸季手嶺西
醇酒付君罍都門供張真堪畫
騰有高風啓後來

楊文恪公文集卷十

七言律詩

贈吳御史彰德陞湖廣僉事

正將殊績獻彤墀拜命湖湘并一時德禮政
刑無二道濼溪雲谷亦監司車停衡岳詢胡後樓
上巴陵讀范碑人物眼中誰膽氣老夫此外有深
期

送黃大理伯固捧表入朝

一通黃表出留都聖主分明帝有虞鳳闕鳴
鞭躬華祝龍亭秉炬共高呼獻忠別以書為鏡

入
覲豈非雲作衢行聽周詩歌湛露黃封深酌
醉宮壺

送胡都憲伯珩捧表入朝

表導千官鴈字聯過江君獨擁樓船
彤廷入賀班
班臺長紫殿開函對御筵密邇不違天咫尺
驅馳那計路三千舊京已作并州省秋盡冬初候
早旋

送吳禮侍南夫

白下離觴此暫陪十年往事憶金臺
高陞對却趨朝去上請京闈主考來
禮樂本非專器數文章原

自出蓬萊從今會晤應難必惟有音書尚可裁

病中復苦秋蚊咬人口占一律

暑去殘蟻尚嗜人最悲天地此微塵惡名猶著花
其股醜類今看墨厥身一片傳呼雄似隸千方閃
避捷如神世間蛇虎俱何用此理吾當問大鈞

縉雲李君隱居之所名以樂溪山處鄉衮章
恭毅公嘗留以詩其孫大學生璽請予述為
之和李君乃蒙齋少司寇之子予近得蒙齋
集讀之嚴整不苟可以想見其人又州守玻
進士玠皆其曾孫為予考試浙省所取士茲

凶壘之請遂不辭而爲之續貂云

學士家世代藏冰繞屋松篁翠作屏盤谷愿居堪
稼穡孤山逋舍合丹青戴篇無忝傳弓冶節卦曾
箴出力庭回禹原來同一道碧栖端不愧登瀛

火師石齋楊公夢登高樓有作大司寇見素
林公倚韻和之錄以寄示輒用續貂

紫微垣上路從來川戶雲牕面七開宗德韓琦功
合畫摘星揚億句曾裁 九霄曦轂親扶起三峽
狂瀾笔挽回上界神僊原有府下方瞻仰莫敬馬

猜

蚤負才名出蜀來黃扉深在禁城開擎天柱石橫
身任補衮山龍入手裁事業汗青知久遠文章雲
漢見昭回空中樓閣堯夫輩洞徹全無半點猜

送同年蔣戶侍肅之得請展墓

南部方揀國計權煌煌旌旆又西川朝廷封典
隆三品父祖松楸隔十年灑潏正忙遲去上縉紳
專望早來旋因思老我歸田日不得相逢在別廛
送王京兆威遠北觀

京兆寬嚴摠不偏歐公包老並稱賢禮同王制三
年聘序在侯綏五服前剩有罷行陳殿陛還應

品藻到官員 九重固是憂民切
堦省難教久滯遷

題栗翁家訓卷和韻

登菴家宰尊翁

晚膺朝貴近 楓宸歸去重
錫告身足見過庭
嚴訓誨更推鳴鐸盛
陶鈞華絨猶辱能相慰
高誥何緣獲再親
誰似遐齡偏屢獲
鑠舊游那止宿
常晨哭黃後峰大理次韻
名鞏字伯周

聞訃無由一撫棺立 朝寒謗似君
難于今物論皆同悼與古
名臣合並觀 吊客紛七門
吏記銘旌 曠日路人看
蕭然行李蕭陽棹不改書
生舊口寒

一相看老氣橫別來空使候歸旌封章已落
諛詹衛士猶傳讜直名貴羨金張非素志學窺閥
建是平生舉朝傷嘆因何事惜死由來有重輕

孫御史毋挽詞

有子青雲已奮飛闔門無不仰慈幃熊丸尚想當
年製手線猶存舊日衣繞見輕軒從北至忽驚旒
觀自南歸藁砧墓草春來長同穴應知互不違

次韻贈林茂貞寺副考績

獨抱遺經入苦思發揮文字析毫絲讜言何必居
言路執法端能重法司衛數史魚元自直漢推定

國絕無私此行報上多忠鯁不但周人天保詩

癸未歲人日和杜工部韻簡吳東湖

晴明人日那能得方朔占書欲檢看老去不無驚
歲改春遲猶自作冬寒

正月十一日立春

世間尊

沓同風過客裏光陰信指彈七種菜羹傳舊俗
呼童辦此未爲難

齋居對月用聯句韻簡嚴內翰維中

清輝添作夜間寒香篆紫燒座上盤襍被齋房遠
去志盍簪公署藉餘歡剪殘短燭如髡柳讀罷聯
章勝咀蘭南省木天絳只尺欲因高興築詩壇

吏散堂空坐一亭
蟾光皎皎竹青
九重漏下
知天近萬籟聲
沉竟夜寧假寐
何須資警枕
避風猶未撤圍屏
清才素重君平後
伸紙題詩筆不停

用前韻呈汪閑齋同寅

清齋作伴坐清寒
三飮惟供筍菜盤
但得有詩堪遣興
肯因無酒不成歡
隔年逢使詢籬菊
此夜懷人誦澧蘭
义手階除閑曳履
月明如水浸花壇
掃地焚香竹繞亭
齋心相對一燈青
靜中有物誰為物
敬外求寧愈不寧
寒氣挾霜侵帘幕
清光愛

月上廳屏起更風送城樓鼓隱七連聲響未停

送貴州鎮守牛勳兵

名桓

十四章飛衆所推貴州南去擁旌麾蠻夷向後依
山少軍衛從前改郡宜上策恐無逾鎮靜先聲早
已肅偏裨輕裘緩帶委蛇地端為羊公遠大期

用前韻酬閑齋

畫省堂高分外寒盪湯頃刻結冰盤絕無事至干
清暇輒有詩成當大歡求友嘗聞歌伐木得朋真
可比親蘭靜觀天理流行處不減春風點爾壇
碧梧翠竹羨亭上三品官資兩鬢青賢聖功

踐履乾坤遭際正清寧會看 徵召居前席暫許
談諧對畫屏寂是平生多學甚手披充棟未曾停
用前韻書懷呈閑齋

無裘千丈蓋人寒肉食深慙首帝盤
臺省欲將何報稱閭閻安得轉欣歡
早憑浪語干攀挂晚把塵纓強縛蘭
世道太平端有象欲觀蒼昊上星壇
燕閑斯几亦斯亭一任蒲團掛壁青
戴氏已傳和與敬武侯曾發靜兼寧
偶因兵戲聊成局莫為兒嬉冷看屏
默驗人心同造化生上之意幾時停

贈廖司馬致仕

未論門下與中書且看重藤引八輿
北闕舊同宵待漏南都忽羨早焚魚
山林自信還依舊歲月其如尚有餘
知止似公誰可擬唐之揚外漢之疏
守谿閣老壽旦郎中方時舉賀之守
谿以詩見答時舉索和為之續銘時
舉與弟時鳴同中會試守谿時為主
考

誰挽東溟獻壽杯我瞻南極映三台
賀篇繞自秦淮去報什俄從震澤來
座主宋稱歐與呂門生曾數固同開
于今日且評猶在科目其年得異才
李錦衣得鳳凰臺遺址創別墅于其上
春

邀飲以病未赴次李白登臺韻以致謝意燕
呈席上諸公

古迹新營領客遊成陰鶴蓋盡名流密栽牡藥園
紅紫巧作池塘備島丘僻靜渾疑非市郭清幽即
此是滄洲無緣得躡前川後不著胸襟半點愁

題范醫士手卷

歲月從教白髮侵平生素難用功深人間醫道真
良相卷裏詩文即杏林千騎亦曾隨 聖駕數椽
惟願老雲岑也知元素還張壁父子相傳一片心
張潔古之術傳之子璧及東垣李杲子常病瘍得

范之子魯治之故云

蘇文忠公集卷十一 七

靈谷寺用昔年舊游韻與趙清溪吳東湖同

賦

叔子嵩高作暝陰退之衡岳見遙岑畫廊徧看忘
迂曲寶塔慵登怯俯臨半日嬉過辰巳午三生謾
說去來今重游壯老雖殊態野鶴閑雲一樣心

清涼寺再和劉後村韻

金陵禪剎冠諸方勝地初游濫夕郎西域粧嚴還
此佛南唐搆建是何王岡峦磊砢皆朝闕花木欣
欣盡向陽須信僧家原淡薄未應清賞覺荒涼

至洪城省下偶成

疆域襟湖更控荆豫章初起漢時名桀隄陶瓦祠
猶在常舟盡棟朱簾閣已傾滕王南浦草深茵累
厚章江風定鏡磨平板棹未醉澹臺墓千古斯文
空復情

金吾衛指揮張黃在正德末年剖腹以尸諫
命似鴻毛肯自殘新聞奇事出長安精忠尚見唐
金箴往事無慚殷比干連署諫章文職有獨操七
首武臣難老夫和淚題詩句留與他年告史官

送方僉事鳳之任廣東

臺端舉劾合公評銓部推遷愜衆情法服依然明
多繡臬司行矣重羊城范滂攬轡初無忝元結提
刑定有聲嶺海浙江山苗一面曾云難弟與難兄

石峯為陳大理賦

不是巉嶢不是坡平生此段用功多佗山峯說於
康節養氣開端在孟軻春意一腔魚磊隗德隅千
仞起嵯峨題詩我亦懲衰颯賦就人間浩亡歌

過無錫望惠山用王行人汶賓韻

欲觀泉竇豈今回夙願分明尚未灰若謂斯行無
暇豫更從何日脫塵埃洞庭應有玉蘋迹虜阜猶

存尹氏臺多少勝遊俱未遂到家那復得重來

和韻酬李克介

古禮歸休必限年更兼仕路恐妨賢時過納祿原
非早老去窮經或造玄壯志輸君仍似舊耆英愧
我不如前菟裘賴有湖邊屋暑氣難侵六月天

贈楊貳守國賓

松姿鶴表見昂然冰蘗操持更獨壘偉冠雖云纔
半歲論功何止當三年南方宿弊無能遣北地豪
才莫或先事業從今益遠大諧公况復悉君賢

嘗以書札托同內川李喻式轉致見素官保索

畫鄉式繼以古中見遺而畫尚未至作此寄
之

索畫遺中有望外老夫得此信奇哉古衣康節猶
拘泥老筆東坡不寄來已拉數人爲社會先將四
壁掃塵埃蘭溪逸興知入際別駕清煩更一催

伍都憲時泰以詩或用韻答之

老衰素乏匡時策地分歸來稱夙心每向星垣瞻
執灑忽於從事得區區吟青雲會見終登要白髮難
期再益簪此後能通千里意祇憑魚鳥爲傳音

太守羅公簡之用以卓異權吾江西三郡所至

有聲最後滋吾南昌一日聞母太恭人微恙
即上疏解組取捷東歸公既不復俟報而
當道諸公亦無計挽而留之其勇如此其篤
孝可知奉寄拙詩二律聊以致羨羨之私云
仕不為榮養是榮敬還為重養還輕行追曾閔期
無忝政比龔黃綽有聲疇昔望雲空引睇于今爰
日更閑情不知問寢高堂上何似三公并九卿
終養誰如太守公乞歸寧復待從容三州盡戟功
名外千里班衣夢寐中家國豈非忠可貫神明惟
有孝能通我曹百事嗟無及此姑深慚讀魏風

睡起用東坡次張甥崇美畫眠韻

湖上清風午送涼
倦來惟好熟黃梁
筆舖斲冰筋骸適
國號華胥世慮忘
林逋任役喧鳥雀
日斜拚到下牛羊
講堂公服憐安定
輸與希夷入睡鄉
北窓枕席忽生涼
野外西風颭稻粱
半餉靜便殊可喜
一時炎暑已相忘
夢長自許同孤鶴
睡美休誇食爛羊
州莫笑人如斗
大曲肱今亦是吾鄉
觸熱伊誰不願涼
渾如飢者欲食梁
踈簾清簟交方密
駭浪驚塵路乞忘
儉嗇意還安
布被委蛇詩可續
羔羊一場夢覺真
堪笑頃刻他鄉又故鄉

冰嚼松陰想更涼暑中此物也膏梁黑甜計聖
非遠絳帳論功不可忘世事我將歸覆鹿豐年誰
兆到無羊欠伸試問今何處天上人間別一鄉
睡飽匡床趁此涼且教竈婢莫炊梁也知老子興
不淺獨有華胥遊未忘畏日分明如畏虎驅蠅未
易似驅羊夢中何者原非幻莫認并州作故鄉

附錄東坡次韻張甥崇美書眼

炎歊五月北窓涼更覺甘如飯稻梁宰我董墻譏
敢避孝先經笥諳兼忘憂虞心謝知時雁安穩身
同挂角羊要識熙熙不爭競華胥別是一僊鄉

致仕後林司寇見素以詩來次韻復之

每出何曾作父雷彈冠一度一僊遊聲名北斗層
霄上興趣蘭溪活水頭直道惟知終不變高風恒
念幾宜休乾坤重擔今誰付却放先生得自由

余子積為刻理學名臣錄及寄所注地理發
微詩以復之

去年枉辱過吾廬剩有微言獨起予嶺外交情原
自厚江南書札已全踈素知精究程朱學却訝新
箋郭蔡書若問老慵何所事六經高閣黑甜餘

涂仲實通守作社會未赴詩以見意

金樽中第記曾過四十年中類擲梭昆季論交
似昔舊游屈指可能多鄉閭合有衣冠會老病其
如轎馬何況值朞功廢絲竹華筵無分醉清歌

復社會諸君疊韻

社宴家輪歲一過邀賓童僕走如梭情同真率禮
非簡人比香山教更多林下優游休負此塵中汨
沒却緣何諸君詩句皆珠玉畱作豐川會裡歌
飲量慚予已不過休教酒令急如梭奏陔之際儀
當慎旣旅其間語始多世味眼前聊復尔功名紙
上竟云何惟將野漫供吟咏也作閩唐擊壤歌

贈值菴盛公由江西進秩移撫兩廣

計策曾中只治安明時阿閣見祥鸞勝冠即占高
科早筮仕屢當強禦難顧我已非能借寇贈公惟
是祇言韓韓公亦熙公之鄉先達有功於江西兩廣甚大予每為公言之從前建
立皆殊絕管取功名久遠看

與清狂山人觀佛桑花時九月將盡菊猶未

開因成二律

坡翁句子豈尋常也有平章到佛桑顛上萬花皆
是紫此間一種更蕪黃菴培却要當風日爰護還
須避雪霜北去從來無此品分明草木認江鄉

已過重陽尚寂然
籬邊何處覓金錢
花神似是謙
居後白帝非閑占
向前安得嘉賓來
數數空教東
道望懸懸此時羯鼓憑誰手
斗酒亦能詩百篇

寄蔣敬所閣老

人物當今房杜流
清論冰玉重山丘
追隨秘閣如
前日調燮中書已
十秋天上懇辭黃閣去
人間徑作赤松遊
九重回首思良佐
何必勞神夢卜求
陶君世和以庶吉士授給事中
每有論列為
逆瑾所惡
謫戍甘肅
未幾釋還
自便家居
久之復起
今以江西僉憲轉河南憲副於其行

也詩以贈之予嘗僉員科中舊有僚末之講
而况復蒞吾省乎

桂籍秋科獨占魁春闈又聽禹門雷路從員嶠方
壺過船到瞿塘灩澦回內直尚存封駁體外臺何
止激揚才要知賢聖經綸業都自心中細膩來

移栽山茶

移來絕豔自山中照我湖邊一畝宮論葉柳還為
淡綠評花蓮亦讓深紅詩家似少掄揚句植物尤
高退適風象叟莫言無正色闡幽微顯自應公

冬月

太月生平不擁爐今年迥與往年殊
閉門猶恐風鑽隙熾炭還嫌冷切膚
百歲光陰驚老大一身氣血驗榮枯
少陵詩句真醫案此後全憑藥力扶

慶方伯石巖嚴公六十

退食委蛇咏紫微坐衙鴈鷺近前稀
六旬壽筭孤懸闈二品官資鶴在衣
憲政布司并會府聲華起浙及南畿
廟堂正爾需豪杰定有徵書出禁闈

老者

老者陰虧陽獨孤番連胃氣暫相扶
每嫌食澹設壅菜時覺咽乾思土酥
三命術言移別限百年誰

歷盡長途人生一定惟修天此理橫渠已告吾

雜體

題竹石畫

石吾甚愛之不可居無竹何人為此言東坡與山谷二公老氣未可降平生有筆如長杠宜州樓南海航竹以比其節石以同其剛餘子蟻虱同夢幻二公宇宙終堂上偶然閱絹素滿幅飛烟霧嶙峋太湖頭慘淡蕭湘路波濤洶湧蛟鼉驤風雨號呼鬼神怒蘇黃不可見竹石蘇黃儔閑花野草俗子輩柔奸冶容吾所羞對此益感慨涕淚雙滂流丈

夫氣節無愧此竹石就令貶竄以死不羨生封
和曹太僕慕節行吊陸秀夫

宋亡死節尤著者天祥世傑公三人偷生賣國誰
復右蘭之朔晦姑秋春君不見弼洲勸講地又不
見海舶邇英閣汴杭閩廣更何之抱帝終沉無底
壑夷全有華徵往古開闢以來剛一數義不帝秦
心獨苦魯連史上人共覩蹈海之謀公所祖

題漁樵扇面

溪山間柳陰下莫羨功名奔走人且听漁樵說閑
話天下誠至重負荷寧無憂賢才極衆多一網誰

能收時予之辜三握髮古人此意良有由何如取
魚與賣柴身雖貧賤常直懷一罾一斧為生涯

賦

夢蛙賦

揚子所居一齋環以四塘群蛙輻湊聒不可當因
誦讓之曰鷄鳴司晨犬吠司夜蟋蟀促織於三秋
布谷催畊於有夏靈鶴先知而報喜鸚鵡能言而
可詫彼皆有益於世間非若爾之取鬧而好罵今
而後亂吾擊節之豪吟雜吾對床之清話吾定布
洒灰之法族誅尔而不赦也須臾就轉夢一綠衣

鏡首螭腹跳梁而趨問其姓名答曰世居婁國僻
處海淖在晉有官私之分在齊有鼓吹之號予寔
苗裔匪敢濫肩聞先生之督責特遙謁以相告夫
張載驢鳴孔伋鳶飛二公獨識默契天機先生讀
書萬卷古人為師遡橫渠之波瀾窺子思之藩籬
顧不察予之中情及猜狠而見疑則世無望乎我
知矣况天下之為蛙鳴者豈特止於如斯而已哉
老聃蛙鳴道德剽竊達磨蛙鳴心性寂滅子雲蛙
鳴太玄徒設福時蛙鳴乃溷中說漢儒蛙鳴六經
幾絕齊梁蛙鳴文氣分裂是數鳴之為害諒亦先

生之能別胡乃不彼之闕而惟予也屑正所謂
放飯流歎而問無齒決也言訖閣上而去揚子寤
而追之惟見四浸波光一天風露

壽山福海賦

太尹孫君必大致政家居杜門謝客年寢
高而德益邵其弟庠友必華命工作壽山
福海圖以致祝頌之意來徵予言予交于
其伯仲因為之賦云

有山兮截然嵯峨有海兮渺然滄波彼美人兮壯
而撥料縮黑綬兮在七絃歌晚歸來兮雙鬢微皤

疑神息慮兮保真養和或祝其壽如山兮可並巖
嶠或祝其福如海兮不數江河矧簪笏以為家傳
兮學問得於切磋操存以為根本兮文章以為枝
柯或者考其人為何蓋季芳之於元方兮穎濱之
於東坡在於已者之既修兮得於天者之宜多此
理之必然兮非造物之有頗亂曰人之有德福壽
所繇詩不云乎黃者無疆百祿是道

詩餘

長相思

題東溪養拙

荷風清柳風清淺綠輕紅盡不成沙際扣舷聲

溪水明溪月明照見幽人醉復醒
寵辱豈能驚

蘇幕遮

壽丁太尹母

木犀香黃花吐壽域弘開看取期
願毋板輿歸到
鍾江許身世蓬萊清淺從頭數
勤猩唇進麟脯
長笛橫吹大伐淵淵鼓人間樂事
誰能伍子貴孫
多四世斑衣舞

滿江紅

送沈太守朝覲

五馬雙旌朝帝去直趨金闕
深山中父老扶
携送行不絕吹噓一郡益如春
照破諸奸明似月
縱然是史上舊循良那能越

堯舜主憂民切問關事從頭說增秩 賜金定與
他人別簪花錫宴 慶成時受 勅辭 朝燈假
節直懸待召父杜母歸民方悅

鷓鴣天

天二闕 壽王習齋六十

經星是月正回天甲癸方周六十年梅插銀瓶照
晴昊酒斟玉笋醉瓊筵交海內盡英賢遺贈詩文
累百篇雲臥天行應有日且從地上看神僊
門外風嚴雪添毳華堂春酒鬧歌謳蟠桃昨日方
垂實海屋今朝更數籌揚子岸謝維舟帽籠黑髮
尚盈頭尋常三壽何須說要看銅人五百秋

易東坡號國夜遊圖詩有序

偶看東坡號國夜遊圖初喜其末四句既而病其頗涉牽綴因爲更之

亂亡沉酒還相續今古分明同一律千金不惜贈良工爲我周南寫膠木

水調歌頭有序

予嘗見宋學士汪大猷和陶靖節歸去來辭甚工欲再和之以才不逮而止然陶辭心寔所好因效朱子櫟括杜牧之齊山詩體遂引用其語意以成詞調一闕南還有

日異於道中時一歌之以想見古人風致
云

始覺今朝是渾驚昨日非田園蕪久肯為形役不
思歸廬阜風吹薄袂彭澤水流輕舫去去未斜暉
試瞻衡宇近釋子候柴扉如雲鳥懶出岫倦高飛
交游謝絕從今甘與俗相違植杖西疇隨意舒嘯
東臯由我滿眼足芳菲寓形宇內大化共推移

楊文恪公文集卷十